

化書卷之六

儉化

太平

夫水火常用之物用之不得其道以至於敗家蓋失於不簡也飲饌常食之物食之不得

冠二

其道以至於亡身蓋失於不節也夫禮失于

三十三

奢樂失于淫奢淫若水去不復返欲救之

莫過乎儉儉者均食之道也食均則仁養生

仁養生則禮樂序禮樂序則民不怨民不怨

則神不怨太平之業也

權衡

服飾綌者不寒而水之布帛愈寒食糞糞者不飢而飯之黍稷愈飢是故我之情也不可不慮民之心也不可不防凡民之心見負石者則樂於負塗見負塗者則樂於負糞飢寒

無實狀輕重無必然蓋豐儉相形彼我相平

我心重則民心重我務輕則民務輕能至於

儉者可以與民為權衡

禮道

禮貴於盛儉貴於不盛禮貴於備儉貴於不



儉禮貴於替緩儉貴於布素禮貴於炳煥儉

貴於寂寞富而富之愈不樂貴而貴之愈不

美貴而賞之愈不足愛而愛之愈不敬金玉

者富之常官爵者貴之常湯飲則可飲食則

香夫惟儉所以能知非

冠二

五十三

食象

觀食象者食牛不足觀戴冕者戴冠不足不

足有所自不廉有所始是知王好奢則臣不

足臣好奢則士不足士好奢則民不足民好

奢則天下不足夫天下之物十之王好一民

亦一王好五民亦五王好十民亦十以十論

之則是十家為一家十國為一國十天下為

一天下何不弊之有

民情

其夫好飲酒者其妻必貧其子好臂鷹者其

家必困剩養一僕日飯三甌歲計千甌以一

歲計之可享千兵王者歲率是享則必告勞

而聚怨病在於增不在於損王駕牛車民驕

於行王居土陞民恥於平杜之於漸化之於

儉所以見葛藟不足者則樂然服布素之衣

見露杯而食者則欣然用陶匏之器民之情也

慳號

世有慳號者人以為大辱殊不知始得為純儉之道也於已無所與於民無所取我耕我

食我蠶我衣妻子不寒婢僕不飢人不怨之

神不罪之故一人知儉則一家富王者知儉

則天下富

君民

君之於民異名而同愛君樂馳騁民亦樂之

君喜聲色民亦喜之君好珠玉民亦好之君

嗜滋味民亦嗜之其名則異其愛則同所以

服布素者愛士之替組服士之替組者愛公

卿之劔佩服公卿之劔佩者愛王者之旒冕

是故王者居地民所憂之地不得不慮也况

金根玉輅奪其貨高臺崇榭奪其力是賈古

民之怨是教民之愛所以積薪聚米一歲之

計而易金換玉一日之費不得不困不得不

儉

乳童

乳童拱手誰敢戲之豈在乎黼黻也牧豎折腰誰敢背之豈在乎刑政也有賓主之敬則雞黍可以為大享豈在乎蕭韶也有柔淑之態則荆苧可以行婦道豈在乎組纁也而王者之制設溝隍以禦之陳祭戟以衛之蓄粟

帛以養之張闥檻以遠之蓋有機於民不得不藏有私於已不得不防失能張儉之機民自不欺用儉之私我自不疑夫儉者可以為大人之師

化柄

儉於聽可以養虛儉於視可以養神儉於言可以養氣儉於私可以獲富儉於公可以保貴儉於門閭可以無盜賊儉於環衛可以無叛亂儉於職官可以無姦佞儉於嬪嬙可以保壽命儉於心可以出生死是知儉可以為萬化之柄

御一

王者皆知御一可以治天下也而不知孰謂之一夫萬道皆有一仁亦有一義亦有一禮亦有一智亦有一信亦有一一能貫五五能

宗一能得一者天下可以治其道蓋簡而出自簡之其言非玄而入自玄之是故終迷其要竟惑其妙所以讓守一之道莫過乎儉儉之所律則仁不蕩義不亂禮不奢智不變信不惑故心有所主而用有所本而民有所賴

三皇

君儉則臣知足臣儉則士知足士儉則民知足民儉則天下知足天下知足所以無貪財無競名無姦害無欺罔無矯佞是故禮義自生刑政自寧溝壘自平甲兵自停遊蕩自耕所以三皇之化行

天牧

奢者三歲之計一歲之用儉者一歲之計三歲之用至奢者猶不及至儉者尚有餘奢者富不足儉者貧有餘奢者心常貧儉者心常富奢者好親人所以多過儉者能遠人所以寡姻奢者事君必有所辱儉者事君必保其祿奢者多憂儉者多福能終其儉者可以為天下之牧

雕籠

懸雕籠食玉粒養黃雀黃雀終不樂垂禮樂設賞罰教生民生民終不泰夫心不可安而自安之道不可守而自守之民不可化而自化之所以儉於臺榭則民力有餘儉於寶貨則民財有餘儉於戰伐則民時有餘不與之由與之也不取之由取之也海伯亡魚不出於海國君亡馬不出於國

禮要

夫禮者道出於君而君由不知事出於職而職由不明儒者棲山林敵師友窮禮樂講本末豈乎見羽葆車輅之狀鐘鼓蕭韶之作則矍然若慮怡然若豕若醉於酒若溺於水莫知道之本莫窮禮之旨謂弓為孤則民不知矣謂馬為駟則民莫信矣所以數亂於多不亂於少禮感於大不惑於小能師於儉者可以得其要

清靜

奢者好動儉者好靜奢者好難儉者好易奢者好繁儉者好簡奢者好逸樂儉者好恬淡有保一器畢生無鑿也者有挂一裘十年

不敵者斯人也可以親百姓可以司粟帛可以掌符璽可以即清靜之道

損益

夫仁不儉有不仁義不儉有不義禮不儉有非禮智不儉有無智信不儉有不信所以知

冠二

儉為五常之本五常為儉之末夫禮者益之道也儉者損之道也益者損之旨損者益之理禮過則濫儉過則朴自古及今未有亡於儉者也

解惑

謙者人所尊儉者人所寶使之謙必不謙使之儉必不儉我謙則民自謙我儉則民自儉機在此不在彼柄在君不在人惡行之者感是故為之文
化書卷之六終

太上感應篇

冠三

太上曰禍福無門惟人自召善惡之報如影隨形是以天地有司過之神依人所犯輕重以奪人算算減則貧耗多逢憂患人皆惡之刑禍隨之吉慶避之惡星災之算盡則死又

冠三

有三台斗星君等常在人頭上錄人罪惡奪其紀算又有三尸神在人身中每到庚申日輒上詣天曹言人罪過月晦之日竈神亦然凡人有過大則奪紀小則奪算其過大小有數百事欲求長生者先須避之是道則進

非道則退不履邪徑不欺暗室積德累功慈心於物忠孝友悌正己化人矜孤恤寡敬老懷幼昆蟲草木猶不可傷宜憫人之商樂人之善濟人之急救人之危見人之得如己之得見人之失如己之失不彰人短不衒己長

過惡揚善推多取少受辱不怨受寵若驚施恩不求報與人不追悔所謂善人人皆敬之天道佑之福祿隨之眾邪遠之神靈衛之所作必成神仙可冀夫欲求天仙者當立一千三百善欲求地仙者當立三百善苟或非義

而動背理而行以惡為能忍作殘害陰賊良善暗海君親慢其先生叛其所事誑諸無識謗諸同學虛誣詐偽攻訐宗親剛強不仁狠戾自用是非不當向背乖宜害下取功諂上希旨受恩不感念怨不休輕蔑天民擾亂國

政賞及非義刑及無辜殺人取財傾人取位誅降戮服賤正排賢凌孤逼寡棄法受賂以直為曲以曲為直入輕為重見殺如怒如過不改知善不為自罪引他墮塞方術訛謗聖賢侵凌道德射飛逐走發誓誣構填穴覆巢

復胎破卵願人有失毀人成功危人自安滅人自益以惡易好以私廢公竊人之能蔽人之善形人之醜訐人之私耗人貨財離人骨肉侵人所愛助人為非逞志作威辱人求勝敗人苗稼破人婚姻苟富而驕苟免無耻認

冠三

恩推過嫁禍賣惡沽買虛譽包貯險心挫人所長護己所短乘威逼脅縱暴殺傷無故剪裁非理烹宰散棄五穀勞擾衆生破人之家取其財寶決水放火以害民居紊亂規模以敗人功損人器物以窮人用見他榮貴願他